

季漢官爵考

季漢官爵攷卷二

海寧周廣業耕厓著

官職考二

衛尉卿一人漢表云秦官掌宮門廬衛屯兵漢因之
建興初劉琰居之七年陳震使吳亦為之張衡西
京賦曰衛尉八屯警夜巡晝徼道外周千廬內附
錢文子補漢兵志曰衛士屬衛尉其寺在宮內周
垣為區廬衛士分居之所掌乃宮門巡徼之事今
以出使者昔馮奉世以衛尉持節送大宛諸國客
至伊脩門則依西漢故事也

右衛尉

太僕卿一人景耀末蔣顯為之

廷尉卿一人按劉琰下獄彭萊收付有司獄中有與丞相書雖無大理明文然大臣犯法當不使有司難治也又昭烈征吳從事祭酒秦宓陳天時必無其利坐下獄幽閉後乃貸華陽國志作繫之于理則非無廷尉也

魏初置大理黃初元年改廷尉

宗正卿一人西漢皆以皇族為之按季漢宗人見于史者惟昭烈叔父子敬及元起德然三人然後帝入洛封侯至數十人則天潢亦繁衍矣

北堂書鈔魏志建安

二十一年始置宗正之官蓋其官雖始于秦平帝元始間已改名宗伯也又續志公主

家令每主一人屬宗正後帝三公主一諸葛瞻尚

一關興尚一向恭尚固宜有家令也漢制此職皆

用皇族至晉始兼以庶姓宋齊不置按以上二

職人皆無攷以其九寺大卿

楊牧曰漢制總群官而聽曰省分務而專

治曰

不容概闕故著之漢九正卿自太常至少府

合執金吾大長秋將作大匠為十二卿

大鴻臚卿一人章武元年何宗後帝世杜瓊梁緒並

居之

右大鴻臚。續志曰前漢有典屬國別主四方

夷狄朝貢侍子東漢省并大鴻臚今考章武二
年後與吳通好其使人皆臨時加官如尚書吏
部郎羅信憲以宣信校尉黃門侍郎費禕吳書
作中
將即以昭信校尉是也

大司農卿一人建興初秦宓孟光等居之班在太常
光祿勳下史稱鐔承裴儁年資皆後于光而登
据上列居光之右是也續志大司農掌諸錢穀

金帛諸貨幣案零陵先賢傳昭烈定蜀府藏盡

給士衆軍用不足用劉巴策鑄當百錢

六典注
劉氏鑄

一當百錢又云後
漢鑄錢屬司農

平諸物價令吏為官市府庫

充實又南齊書崔祖思傳曰劉氏取帳鉤南史作帳構鉤

玉海引作鑄錢以充國用董道錢譜封演曰傳形五銖劉倫所鑄文字輕

重大小與五銖無別但以五字為左銖字在右謂之傳形今考之蜀嘗鑄矣但不言傳形耳

右大司農

少府卿一人昭烈為漢中王以王謀為之後有鐔承

宋志曰掌市服御之物漢因秦置掌私錢以給私

養故曰少府

尚書令一人昭烈定蜀以處法正後以劉巴代之屬

有主簿雍章武二年拜輔漢將軍李嚴為尚書令

與丞相並受遺詔輔少主自後遂為重職延熙九

年呂乂以蜀郡太守超遷焉夕斌亦為之唐陳子昂銘梓州射洪縣陳嗣墓稱其八代祖自汝南入仕蜀為尚書令初學記云尚書秦官初秦代少府遣吏四人在殿中主發書故號尚書尚猶主也漢因之尚書為中臺謁者為外臺御史為憲臺謂之三臺其令並用士人為之秩二千石至為臺主主贊奏典綱紀東漢與司隸校尉御史中丞皆專席坐京師號曰三獨坐此職後漢始重出納王命教奏萬機所謂文昌天府衆務淵藪也孔平仲珣珙雜論光武中中屠剛未有官微為侍御史遷尚書令以直諫出為平陰令此甚平也肅宗時郭壽自冀州刺史三遷又曰尚書漢尚書令帝報為京兆尹此甚重也

猶隸少府魏晉後政歸臺閣則不復隸矣

後書仲長統昌

言曰雖置三公事歸臺閣李賢注臺閣謂尚書也

魏以來尚書令品位第

三今考季漢初李嚴由尚書令加光祿勳陳震由

尚書令為衛尉雖掌選署未總機衡故忠武謂正

方尚未為卿猶舊制也至蔣琬費禕始徑由尚書

令進位大將軍至後帝末陳祗董厥並以侍中守

尚書令得統朝政與宦者比匪權乃重于姜維矣

然其屬少府則如故也時軍國多事費禕為尚書

令常以朝晡聽事其間接納賓客加之博奕董允

代之旬日之間事多愆滯乃嘆曰人力相懸如此

遠也

合璧事類杜甫寄吏部賈侍郎詩曰南宮吾故人舊注以南宮為禮部非也按天官書南

宮吾故入朱鳥權衡太微三公之庭將相執法即位眾星咸在漢建尚書百官府名曰南宮又劉禹錫撰韋陟神道碑云陟為吏部員外郎是曾在南宮為眉目在選士為司命蓋知南宮為吏部也

尚書僕射建興間姚祐李福居之後董厥諸葛瞻等

按張寔傳云閭中姚祐二千石漢官儀曰尚書

僕射秩六百石故公為之加至二千石

尚書令千

增秩二千石自佩銅印墨綬

由由參軍稍遷居此職未聞比公

疑季漢援增秩例也通典云後漢建安四年以執

金吾榮邵為左僕射衛臻為右僕射侍者分置左

右自此始魏晉以來置二則為左右僕射或不兩

置但曰尚書僕射

大尚書延熙間銜繼為之尚書加大史不經見季漢亦止此一人案隸續載劉寬碑陰門生題名有大尚書張祗而祝睦碑亦云拜大尚書考東京官制建武中官制三公皆去大惟鴻臚司農長秋有大字尚書六人分為六曹初無大尚書及觀祝睦後碑則但云拜尚書是知大尚書者以其長於諸曹故加大別之文惠之說如此但自有尚書即有長不聞概別以大蓋此稱起于東漢之末而季漢承用之必非臆造也

尚書昭烈為漢中王以處劉巴楊儀後有陳震宗預
胡博呂乂鄧芝張遵許游等十數人或由郡守都
尉徵拜焉六典註漢官儀尚書秩五百石次補二
千石袁子正書曰尚書佩契刀囊執板加簪筆以
待顧問魏第三品

尚書吏部即後帝置以處羅憲 按尚書分曹始漢
成帝建始四年而未以為號東京始有曹名季漢
改曰即唐六典曰光武親攬吏職天下事皆尚書
與人主參決乃下三府又改常侍曹為吏部曹主
選舉齊祀事後改吏部為選部季漢則吏部選部

兩置蜀志許靖傳靖除尚書郎典選舉董卓政

下之士通典乃云魏有吏部尚書合璧初學記曰

漢魏授此職者或云吏部尚書若授他曹尚書直

云尚書晉宋後始云授刑工部刑部等書尚書元

滿六書正義屯姓漢有屯莫蜀有法部尚書屯度

望出已郡案法部之名甚新蜀志亦無屯度不知

書也尚書左選部郎後帝置

尚書左選部郎後帝置景耀中以處鄧良 華陽

國志常勗入為尚書左選郎郡請迎為功曹案東

漢有選部曹左選郎即左選部郎也李重集曰為

歲曰銓管人流品藻清濁見文選注靈帝以侍中

梁鵠為選部尚書見合璧事類唐常衮授裴遵慶

種松書塾欽本

吏部尚書制云尚書萬事之本選部五曹之右漢魏以來多用宿儒高德蓋重其任也見文苑英華

尚書右選部郎後帝置建興間有楊戲王祐案六

典注尚書郎漢初置四人光武分尚書為六曹郎

六曹尚書并令僕二合三十六郎每一尚書而史人謂之八座尚書

闕曹名魏有吏部今觀季漢更選等部即後漢諸

曹而後帝世陳祗為選曹郎亦以曹名蓋知尚書

吏部之名不始魏也凡文臣歸左選武臣歸右選

度支後帝置建興初柳仲為度支宋志曰魏世有

度支郎通典曰魏文帝置度支尚書掌軍國支計

吳有戶部而晉有度支皆主筭也合璧事類曰漢

有度支侍郎即郎中之任也魏晉後並有之李漢
度支為尚書為郎中無明文不可考然亦足見度
支不始魏晉矣

尚書郎昭烈為漢中王以什邡令蔣琬為之其後
居是職者甚多晉書文立杜瓊皆
蜀尚書寔郎也蔡質漢儀曰尚

書郎初從三署郎詣臺試初上臺稱守尚書郎中
歲滿稱尚書郎三年稱侍郎蓋猶因三署本號也
初學記曰西漢言郎者多非尚書郎唯田蚡少為
諸曹郎是也餘皆三署郎東漢猶難分有尚書及
曹名冠首者即尚書郎直言為郎亦三署郎魏以

後即無三署郎又曰漢世郎中侍郎二者亦通為
尚書郎通典曰今中書舍人

令史章武時李譔為之後帝世有郤正宗志令史
前漢官也六典注華嶠後漢書韋彪上疏曰有楚
獄事繁故置尚書令史以助郎又曰郎主文案與
令史不殊

祕書令景耀間卻正居之秩六百石初正由祕書吏
轉令遷郎至令自在內職與黃皓比屋不為所愛
憎是以官不過六百石釋譏所謂躊躇紫闥候舌
是執九考不移有入無出也

合璧事類晉惠帝置
祕書監併統著作局

掌三閣圖書自是秘書之府始居于外

初學記曰秘書監漢桓帝置掌禁中圖書秘記屬

太常後省之建安中置秘書令典尚書奏事即中

書之任也

前漢有中書令成帝亦兼掌圖書秘記後無之後漢初亦無

之事屬少府魏初因之

魏薛夏為秘書丞嘗以公移蘭臺蘭臺自以臺也

而秘書署耳謂夏以不得宜夏曰蘭臺為外臺秘書為內閣臺閣一也何不相移之有自後遂以為

常

秘書郎後帝世卻正司馬勝之為之華陽國志曰勝

之先從州辟從事進尚書左選郎時蜀國州從秘

書郎時蜀國州書佐望與郡功曹參選而從事伴

臺郎時董察舉雖位經朝要還為秀孝亦為郡端
右故勝之于景耀末郡請察孝廉大同後梁州辟
辟別駕從事舉秀才歷廣都新繁令唐六典注魏
武置秘書令秩四百石

令史邵正為之魏甲辰儀秘書令史品第八又有
秘書吏

東觀秘書郎創置後帝世陳壽居之

見華陽國志陳壽傳又初學記

引張華傳別傳壽少仕蜀在觀閣為郎

後漢書馬

晉書言在蜀仕為觀閣令史誤

融傳曰永初四年拜校書郎注謝承及續漢書並

中詣東觀典校秘書

安帝記注洛陽宮殿名曰南宮有東觀

此東觀

秘書之名所由昉也初學記引華嶠書曰學者稱
東觀為藏室藏室道家蓬萊山蓋東漢圖籍皆在東觀
名儒碩學于此撰述國史崔瑗所云泮泮東觀古
之史官左書右記其言孫皓所云儒林之府
也但秘書本中書之官故隸少府魏王肅為秘書
監以為今之秘書即東漢東觀之職安可復屬少
府自此不復隸焉然則季漢尚隸少府明矣唐六
典註武帝始置太史命司馬設為之天下計書先
上太史副上丞相設因及子遷撰成史記後班彪
及子固復續為漢書明帝又召固入東觀與陳宗

等共成光武本紀其後劉珍劉毅伏無忌等相次
撰述東觀著書名東漢觀漢記然皆他官兼領史
職至魏明帝始置著作郎靈帝時蔡中郎上漢書
十志疏云受詔詣東觀
著作郎遂與群儒並拜議郎又云得脩著作郎此以
議郎領著作故云著作郎至魏明始以為官號
隸中書省專掌國史晉惠帝改隸秘書省宋齊以
來因之世亦謂之史閣又謂之史館史閣史館自
此有也唐案後漢雖撰述東觀未有以東觀名官
者今秘書郎冠以東觀則為史職昭然特不可謂
即太常所有太史耳林甫乃言晉惠始隸秘書未
考也

東觀郎創置王崇居之

侍中漢中王以廖立為之即位用馬良後帝世居是
職者甚多率功臣子弟為之蔡質漢儀曰侍中在
尚書僕射下尚書上今官出入禁中更在尚書下
案舊唐書禮儀志施敬本曰東漢侍中與少府丞
班同秩千石黃龍甘露碑列銜安漢將軍下有侍
中其後方列尚書則季漢侍中未嘗在尚書下也
漢儀又曰侍中舊與中官俱止禁中宿直廬在石
渠門外武帝時侍中僕射莽何羅謀逆由是出禁
外初學記曰靈帝時侍中舍有八區論者因言員

有八人未詳也獻帝起居注云初置侍中六人出入禁中近侍帷幄省尚書奏事据此則漢末或省員南齊志云漢侍中蟬刻為蟬像常侍但為璫而不蟬此冠制也

中常侍延熙末宦者黃皓處之 案後帝在位四十一年任用賢良申明法制史所書別無失德惟末年信用宦人黃皓耳然當鄧艾入蜀之日外有姜維等強兵捍禦奮拔刀斫石之怒內有北地王等忠義激發決背城一戰之謀何至與襯啣壁坐取大辱鄙哉譙周罪浮于黃皓矣

散騎常侍後帝世文立為之

黃門侍郎建興初董允為之忠武所謂宮中事無大小悉以咨之者也常忌亦為之後舉孝廉為郎使吳又有費承等六典註獻帝時與侍中各置六員省尚書事東晉與侍中俱置四人管門下眾事與散騎常侍並清華而世謂之黃散焉

宋書恩倖傳云侍中身奉

奏事又分掌御服東方朔為黃門侍郎執戟殿下宋朔初為常侍即後拜給事中侍郎與黃門侍郎

二官全別休文混而同之非也

散騎黃門侍郎延熙末置以處陳壽案散騎奏置以為加官東漢與侍中黃門侍郎共平尚書奏事

黃門令延熙間宦者處之

黃門丞建興末董允為虎賁中郎將制宦人黃皓終

允世位止黃門丞按周禮宦寺皆屬太宰漢文帝
時丞相申屠嘉檄召幸臣鄧通將斬之通頓首出
血上使使持節召通而謝丞相黃皓恣擅大將軍
姜維啟後帝欲殺之後帝不從勅皓詣維陳謝皆
周官遺制也而董允亦能制之漢法近古如此

符節令建興初孟光為之又杜禎由是職出為梁益
二州都督唐六典注漢以來惟旌節稱節餘皆號
符秦有符璽令漢因置符節令丞屬少府漢官云

秩四百石後漢別為一臺亦屬少府置符節令一人為臺率主符節事凡遣吏掌授節銅虎符竹使符

御史中丞後帝世孟獲向條皆嘗居之周官小宰之

職也翰苑新書云御史名見周官漢謂之御史臺

亦謂之蘭臺寺

魏志建安十三年罷三公官置丞相御史大夫注引獻帝起居注云

御史大夫不領中丞置長史一人文帝黃初元年改御史大夫為司空通典云漢初御史中丞掌蘭

臺秘書圖籍之事至魏晉其制猶存故歷代營都邑置府寺必以秘書省及御史臺為隣

與尚書謁者為三臺漢御史大夫

位次丞相

兩丞一曰

御史丞一曰御史中丞以居殿中故曰中丞

亦曰執

法董率宮殿察舉非法漢官解詁云建武以來省大夫官屬入侍蘭臺蘭臺有十五人特置中丞一人總之得舉非法權次尚書荀綽云漢以御史中丞為臺主與司隸分督百寮自皇太子以下無所不糾初不得糾尚書後亦糾之程曉所謂御史中丞董率宮殿也

右屬少府。續志職屬少府者太醫上林凡四官自侍中至御史皆以文屬焉今太醫太官守宮令上林苑四職不見于史闕之侍中以下仍依續志序列

執金吾一人後帝世尹賞為之

右執金吾

大長秋東漢嘗用宦者奉宣中宮命韋昭辨釋名云
長秋自皇后官非天子卿也建興中以來敏居之
後有梁虔皆士人則參用西漢制也

長樂少府一人建興元年置以孟光居之前漢景帝
母居長樂宮因置長樂少府時尊昭烈穆皇后為
皇太后亦稱長樂宮續志曰位在長秋上季漢先
有大臣妻母朝慶之禮建興十二年正月車騎將
軍劉琰妻胡氏入賀太后太后令特留胡氏經月

玟妻美色疑與後帝私撾而棄遣玟坐弃布自是
此禮遂絕

中官謁者唐六典註後漢大長秋屬官有中者謁者
三人四百石

右大長秋

太子太傅一人東漢禮如師不領官屬按昭烈立太
子冊曰敬聽師傅則固有師傅矣魏畧言諸葛亮
為太子太傅裴松之已辨之

太子少傅一人太子官屬悉領之按後帝時師傅失
傳祇見僕射以下延熙元年冊立太子璿慎選名

宿以為官僚今並載于後焉

太子僕射章武初尹默居之後延熙間李譔由庶子遷此

太子庶子章武初費禕由舍人遷此延熙元年有李譔後羅憲亦由舍人遷

太子家令章武初來敏居之延熙間譙周由僕遷此宋志曰漢太子食湯沐邑十縣家令主之又主刑獄飲食職比廷尉司農少府

太子僕延熙末蔣顯居之宋志志曰漢太子五日一朝非入朝日遣僕及中允旦入請問起居主車馬

親族職如太僕宗正

大子中庶子延熙元年霍弋居之後有張郁翰苑新書載班彪牋云竊見國家故事選公卿列侯子孫衛太子家為中庶弋係峻之子郁係裔之子也晉王珉曰中庶子稱坊是通名猶朝之稱臺也

太子洗馬章武間董允由舍人徙此後帝世李密扶如謁者曰知錄曰越語句踐親為夫差前馬韓非子云為吳王洗馬洗音銑淮南子云為吳先馬走荀子天子出門諸侯持輪挾輿先馬然則洗馬者馬前引導之人也漢百官志作先馬張晏曰先或

作洗又考周禮齊右道右職皆有前馬是此官古有之矣

太子舍人章武初費禕董允霍弋又有羅憲

右東宮官屬。續志此下有將作大匠城門校尉二職有事則置無則罷譙周諫後帝曰願減省從宮所增造但奉修先帝所施下為子弟節儉之教則宜置將作矣唐六典註曰後漢光武中元年省將作監常以謁者兼之章帝又置史闕無考故不著

中都護一人章武二年置以尚書令李嚴為之副丞

相諸葛亮統內外軍事留鎮永安嚴廢後關都

護加中始此案通志前漢宣帝地節二年初置西

域都護為加官或以騎都尉諫議大夫使護西域

三十六國有副校尉始以鄭吉為之後廢東漢永

平十四年復置

班彪為西域都護

晉宋以還齊有江西都

護南粵都粵護唐永徽中始於邊方置四大都護

府皆其任也今考季漢李嚴以受遺詔輔少主為

丞相副貳特加中字於內外軍政無所不統及亮

出軍祁山嚴署府事移屯江關護軍陳到駐永安

皆統屬嚴其職至為優重非兩漢西域齊唐鎮邊

所可比通考列郡都尉後通志在都督後皆以督

外故也今應改列內職

嚴廢後亮與其子教曰吾與君父子戮力以獎漢室

此神明所聞非但人知之也表都護典漢中安君于東關者不與人議也觀此則中都護之官寔必

相所表置矣

行都護建興十二年丞相亮薨蔣琬為尚書令俄加

行都護景耀四年軍師將軍諸葛瞻亦行都護

案此所行即中都護事也琬未幾遷大將軍錄尚

書事李漢位望之重無過丞相及中都護二職葛

李以後無或繼之者

中部督一人建興初置以處向寵典宿衛兵忠武所

謂衆論舉寵為督營中之事悉以咨之必能使行

陣和睦優劣得所也續志有北軍中候一職掌監

五營領五校案漢志有南北軍補兵志曰南軍則

衛士是也所衛尉北軍在未央北為軍壘垣置中壘

校尉以一校守之注武帝置七校并胡騎為中壘蓋中北軍而屯也有事

屯兵其中事已輒罷武帝時有諸校尉則常屯矣

東漢北軍中候由此今之中部督雖位在中領軍

下意亦專督中壘者歟洪造錄釋有中部碑在均州題名五十餘人首祭酒

上缺二字次主記主簿功曹掾史畜夫遊傲皆漢官又有董校官校官祭酒里祭酒等名洪氏云謂

之中部殊不可曉廣案中部之名始見季漢但向寵所督禁兵碑所載皆似縣吏為難強合耳

中領軍一人建興初以中部督向寵遷居之晉志曰
漢建安年魏武拔漢中以曹休為中領軍文帝始
置領軍將軍主五校中壘武衛等三營後懷帝成
帝俱改中領軍曰北軍中候尋復為領軍是則中
領軍即北軍中候之職也案陶彥藻職官要錄引
曹昭叔述孝詩序曰余年三十遷中領軍總六軍
之要秉選舉之機通見文獻是設軍而兼掌選李漢
制想亦同也再考昭烈征吳有左右領軍馮習吳
班蓋所領皆禁旅親兵故惟天子親征始置人臣
不得有也唐六典諸衛左右領軍衛大將軍各一

人注漢建安十四年魏武為丞相相府始置中領軍既拔漢中還長安以曹休為之主五校中壘武衛等營文帝為魏王又置領軍而領軍差勝中領微劣晉因之領軍與中領三將軍並置又云魏晉以來並有領軍之職然則領軍如今領軍大將軍也中領軍如今領軍將軍也案是說與晉志異然亦皆就魏晉之制言之季漢則中領為禁衛重職在中部督上初不隸相府亦非劣于領軍也張翼于亮出武功日為前軍都督及亮卒拜前領軍華陽國志謂與中軍師楊儀後軍師費禕等並典軍

政云

屯騎校尉建興元年王連居之延熙十年宗預屬有

典曹都尉

請杜祺劉幹等為之

越騎校尉建興初湯洪居之

步兵校尉後帝世向朗習隆居之隆掌校秘書

長水校尉

漢書音義長水地名胡騎所屯

建興初廖立居是職為在

游散又隨大比為將軍

大比即庚書三載考績之法部正九考不移張松之

以為二十七年是也因懷怨望後秦苻吳濟胡博諸葛均並

為之

常忌為長水參軍

射聲校尉

漢書音義射聲謂工射者夜中聞聲則射之因名武帝置

後帝世楊戲

向充等居之續志五校俱掌宿衛兵後書謂之五
營顯宗時多以宗室肺腑處之位次列卿官顯職
間號為優逸季漢諸校率領丞相長史習練步兵
掌校秘書孟光文士亦為屯騎雖統營衛寔非專
主兵也以下諸校隨衙附焉

司鹽校尉

亦名鹽尉

昭烈定蜀置較鹽鐵之利以處王

連後岑述繼領之屬有典曹都尉

呂乂劉續志鹽

官鐵官屬郡國不屬司農然利入甚多有裨國用

典學校尉昭烈定蜀置以處來敏

儒林校尉昭烈定蜀置以處周群隋有儒林郎通典

通考俱附列校尉由此也

昭信校尉建興間置以使吳費禕處之

宣信校尉後帝置以使吳羅憲處之又延熙二十四

年樊建以校尉使吳

環濟吳紀蜀建使吳齊重錦千端

宣信昭信

等名皆一時權置事竟即省吳鄭胄亦拜宣信校

尉以救公孫淵其報聘亦有立信都尉鄭廷輔孫

時有立信校尉杜契見茅山志孫皓封國山黃龍碑後署中書東觀令史立信中郎將蘇建

甘露碑益州從事史帶校尉銜者四人其一上兩

字全闕其三俱闕上一字一曰口信校尉未知即

宣信昭信否一曰口義校尉考劉焉劉璋時巴郡

太守樊敏曾以輔義都尉行褒義校尉昭烈仍用
二劉舊名或是褒義未可知也一日口業校尉無
可考豈亦如李嚴之為興業將軍歟劉表又有綏
民校尉

司隸校尉一人主督察京輦三公外無所不糾章武
初張飛諸葛亮相繼領之並假節治成都案武帝
初置持節後去節官属有從事史十二人其都官
從事史最雄劇李漢無考。建興七年衛尉陳震
使吳與孫權軟盟交分天下徐豫幽青属吳并涼
冀兗属蜀其司州之士以函谷關為界案沈約宋

書曰司州漢之司隸校尉也蓋東漢司隸并領一

州故曰司州

太康地記曰司州司隸校尉治也

州牧成帝改刺史置東京復舊靈帝時劉焉建議宜

重牧伯可鎮壓萬里因領益州牧由是諸州皆有

牧時王塗隔絕州之牧伯猶七國之諸侯也昭烈

為漢中王猶領益州牧即位置涼州牧以驃騎將

軍馬超領之而益州無牧

他州牧不再見疑後并涼州亦

也省建興元年始置蓋用以代京尹丞相諸葛亮領

之開府選辟官屬有別駕從事

秦治中從事李邵

等勸學從事

魏周又從事常督學從事典刑獄洪

何祇常勗案常據云勗為督軍功曹五主簿杜微

治獄平當還察孝廉除郡令功曹梁主簿時主

簿亦主軍政欽亮與微書曰欲與君應天順民輔明主以隆季興之功著勲竹帛又曰君但以德輔

時不責君軍事案舊制有都官初昭烈作牧官屬從事一人掌都中官不法事

在荊州有別駕從事李朝等治中從事龐統等從

事中郎簡雍等從事部諸郡陳震部從事蓋即續志司隸校尉之

部郡國從事也每郡國各一人主督促文書察舉非法如費詩為部永昌從事則主永昌郡也又

有從事廖立張存等立以從事擢長沙太守彭萊由益州牧治中從事為江陽

太守史以為左遷則知帶治中者尊于從事多矣後入益州以趙雲前部

領留營司馬兼掌內事留營猶長史之留府也在

益州有從事中郎射援從事祭酒何宗程畿等治

中從事彭義等別駕李恢等即從事督軍從事費

詩議曹從事杜瓊功曹李恢主簿李恢亦書佐張

翼李譔等翼由書佐舉孝廉為江陽長別置儒林校尉典學校

尉各一人前見勸學從事張奐尹默本紀尚有周

傳建興中為諸葛勸學從事而先主未稱尊號即

有勸學從事張奐尹默周等上言前後不同考

周卒于晉泰始六年年七十二而昭烈即位之年

僅二十有三未必與勸進之列徒本傳為是又勸

進文有臣父羣未亡時言西南有黃氣直立數丈

云華陽國志作周羣父未亡時衆群父名舒即解

述當塗高者也据此則無周必周群之誤廣案臣

父群當作臣羣父史誤倒又因羣姓周誤為熊周

既為漢中王官屬猶帶益州費詩以督軍從事進

為益州前部司馬又有益州左右等部司馬益州

部屬蜀郡巴西梓潼犍牁永昌等從事史蓋各司
一郡之事者也及忠武領蜀選迎耆德文士以充
掾屬其職畧同惟無祭酒及儒林典學兩校尉耳
是時掾曹皆用士人如忠武所選秦宓李邵俱廣
漢人楊洪五梁俱犍為人杜微梓潼人譙周巴西
人又巴西馬勲亦為掾也其刺史郡守亦皆如此
故能知一方之人情而為之興利除害又辟召出
自牧守擇能而使各盡其力士人先試為吏後乃
除為郎察舉孝廉方補為令長習其事而無不勝
之患宋裴子野有言曰漢世官人州郡積其功能

然後為五府所辟五府舉其掾屬而升于朝三公
參得除署尚書奏之天子一人之身所閱者衆一
士之進其謀也詳故官得其人鮮有敗事魏晉反
是所失良多矣

都督諸州軍事猶古方岳之職也前漢遣使則有持
節光武征伐四方權置督軍御史事竟罷昭烈入

益州始命關羽董督荊州事為漢中王因置都督

宋志六典註謂魏文
帝黃初五年始置或領刺史如李恢為庾隆都

督使持節領交州刺史是也其督中外軍事為加

銜如姜維衛將軍假節出隴西也較常職為重諸

都督率假節獨關侯得假節鉞

屬有議曾都督諸趙崇從事王甫諸

葛侯出征特賜金鉞鉞即黃鉞也賜此則總統中外諸軍矣宋志曰晉制都督諸軍為上監諸軍次之督諸軍為下使持節為上持節次之假節為下使持節得殺二千石以下持節殺無官位人若軍事得與使持節同假節惟軍事得殺犯軍令者假黃鉞則專戮節將非人臣常死也

漢中都督一人昭烈為漢中王還治成都因置最為重鎮拔牙門將軍魏延居之駐漢中延熙時王平居之時鄧芝在東馬忠在南平在北境咸著名蹟

焉丞相大將軍皆常鎮此惟費禕移鎮漢壽。延

鎮漢中皆實兵諸圍以禦外敵使不得入與勢之

役王平捍拒曹爽皆承此制姜維建議以為錯守

諸圍適可禦敵不獲大利不若使聞敵至諸圍皆

歛兵聚穀退就漢樂二城沔陽為漢城使敵不得

入平日重關鎮守以捍之有事則令將軍並進以

伺其虛賊攻圍不克野無散穀千里懸糧自然疲

乏引退之日諸城並出與將兵并力搏之此殄敵

之術也于是令督漢中胡濟却住漢壽監軍王舍

守樂城水經注引華陽國志曰護軍蔣斌守漢城

蜀以城固為樂城縣

又于西安建威武衛石門武城建昌臨遠皆立圍
守議非不是而卒少成功則知前規可守無取更
張而昭烈之拔魏延真可謂知人善任者矣

廖降都督昭烈置以督南中諸郡鄧方處之治南昌
亦為重鎮李恢代之住平夷至馬忠斬劉胄移治

建寧味縣張翼等相繼居之霍岐楊戲霍弋皆以

叅軍為副貳

華陽國志寧州晉泰始六年置蜀之南中諸郡廖降都督治也又曰建寧

郡治故廖降都督屯屯南人謂之屯下蜀志註曰
廖降屯名去蜀二千餘里號為南中立都督總攝

之晉泰始中始分寧州水經注寧州故廖降都督
屯故南人謂之屯下劉禪建興三年分益州即置

二說未
知孰是

關中都督章武元年置以吳懿處之

江州都督昭烈置以費觀華陽國志作雒領之後都護李嚴

及子豐相繼處之治江延熙中有鄧芝治陽十七

年省水經注江州故永寧郡治後即徙南城昭烈

以費觀為巴郡太守領都督後李嚴更城周

十六里連蒼龍白虎門諸夷川

五郡為巴州治丞相諸葛不許

永安都督後帝世陳到居之

巴東都督定蜀置江關都尉水經注章武二年劉為

巴東郡治也按蜀有陽平關江關白水關號為三

關吳賀部所謂劉氏据三關之險守重山之固也

陽平在襄中縣昭後帝改置都督關宇處之領軍

烈破曹軍于此

羅憲為副貳荊州先賢傳羅獻即羅憲守巴東為

步協所圍固守不下羅因賦詩歌以慰城中人書見

鈔又張翼督建威宗預督永安廖化廣武督王嗣

西安圍督鄧芝郫郫圍督祁隱黃金圍督則各圍

之督也

出祁山時有無當監何千

刺史每州一人

初有益并涼英宛雍交七州交州初以李恢為刺史住平夷縣後以建寧

太守遙領之建興七年以交州屬吳罷刺史諸刺史可考者李恢交州蔣琬文立俱益州胡濟宗預

鄧芝俱宛州魏延涼州廖化并州吳懿雍州又都廖化并州吳懿雍州後李嚴作巴郡城請以五郡

為巴州治內親民事外領兵馬屬略與牧同蔣琬

為益州刺史請譙周為典學從事緇州之學者此

創置也按文獻通攷漢郡國有文學掾文翁治蜀

起學成都招下縣子弟以為學官弟子武帝時天

下郡縣皆立學校官自文翁始也平帝時郡國曰

學縣道邑侯曰校學置經師一人鄉曰庠州曰序

各置孝經師一人又漢制刺史舉秀才如昭烈在

豫州舉陳郡袁渙為秀才是也此云典學從事蓋

亦經師之職歐陽脩集古錄漢文翁學生題名凡一百八人有文學祭酒典學從事

事各一人李石府學十詠其詠左右生題名序引

從事各一人司儀主事各一人左生七十三人右

生三十人可考者僅百許人表說友載之成都文

類而注云或云江陽寧蜀遂寧晉原以晉志考之
江陽蜀置此即寧蜀遂寧晉原皆宣武平蜀後置
據此則題名非文翁物亦非兩漢明矣
蓋典學從事李漢始置前此未嘗有也

又有從事

賈得為文
立從事

治中從事史

蔣琬請楊

督軍從事

太守每郡一人丞一人守加將軍號者有鼓蓋春巡

屬縣丞如建興初王伉為永昌郡丞朱褒為牂牁

郡丞是也

續志郡當建武初為長史季漢無考

初學記曰劉氏初

置郡九巴東

昭烈入蜀改為江關都尉建安二十一年以胸魚復羊渠及宜都北

井六縣為固陵郡章武元年孫權等以失巴名上表自訟乃聽復為巴東南郡治白帝章武二年改

永巴西梓潼

續漢志建安二十二年劉備以為郡江陽汶山漢嘉朱

提

續漢志山出銀銅注引諸葛亮書云

雲南蜀志

三年分建

涪陵

守昌陽張宏神道

并得漢舊巴

郡廣漢提為

案此三郡名曰三蜀土地沃

牂牁越

為益州

太守正昂見王應麟姓氏急就篇注

漢中永昌南安武都并

蜀郡

鄭熊通志薛永依先主官蜀郡太守子齊為巴蜀郡太守蓋相繼守蜀又守巴也

二十郡

晉書地理志得漢郡十有一以宕渠為建安間置通典及王應麟通鑑地理通釋因

之並

通典曰蜀主全制巴蜀置益

治成都梁治漢今

郡二州有郡二十二以漢中

建安末破魏將夏侯

延鎮守後

蔣琬姜維相繼鎮此有漢樂二城

興勢

後主延熙七年將軍王平守之魏大將軍

曹爽攻

白帝

先主章武元年屯之遂為重鎮後主建興十五年吳將全琮來攻不克

並為重鎮

通志地理畧通鑑地理通釋並同廣案續漢書郡縣志益州本梁州劉焉傳有

梁州刺史耿卬定蜀後不復見

今考季漢實置七州

詳前郡亦不止

二十二後帝所置有建寧

蜀建興三年亮南征四郡平改益州郡為建寧

郡治味縣水經注則云平南中分益州郡置興古

建寧郡到牂牁之母單屬焉霍弋為太守

建興三年分建寧陰平七年典武都同宕渠中分

牂牁置治溫縣

置巴東廣漢分廣漢置梁水分廣漢之畎置治南廣

延熙中分晉寧等郡又有上庸房陵見華陽國志

水經注其畧可考而知也郡守之屬通謂之綱

紀有五官掾呂凱為永昌郡五官掾功曹是也有

從事龔祿為巴西從事是也有功曹楊儀為襄陽

太守關羽功曹馬齊為宜都太守張飛功曹古樸

一作為廣漢太守夏侯纂功曹是也功曹或請臺
郎為之常勗為尚書左選郎郡請迎為功曹也有

主簿廣漢太守夏侯纂主簿王普是也有門下書

佐蜀郡太守楊洪迎何祗為門下書佐是也有軍

政則置監軍張翼歷為三郡守監軍是也有都尉

李賢曰郡有都尉國但有中尉無都尉章武三年忠武上言後帝曰其郡國太守相都尉縣令長三

日便除服相是國相太有中郎姜維為本郡水天

守郡尉皆郎中所有也

即從太守出案行是也續志太守常以有主記見

姜維傳其最優者則有師友祭酒席漢太守夏侯纂

請秦宓為師友祭酒領五官掾是也蜀志宓典纂語以簿案煩

注簿手板也案左傳衮冕黻珽杜注珽笏也若今吏之持簿孔頴達正義引此以為漢魏以來皆執手板案藝文類聚於李漢止載此一職今考王莽

曾置太子師友祭酒漢魏書穀熟長呂岐署朱淵師

友祭酒袁津決疑祭酒魏志是建安間已有此

名且令長亦置之矣案漢世郎吏甚多隸釋載靈

張納碑陰題名首從事一人議曹掾五人文學主事

掾史各一人從掾位四人文學掾二人史一人議

曹掾五人法曹集曹兵曹比曹掾史各一人金

曹掾史各一人又各有左右史各一人尉曹掾

史各一人奏曹辭曹史各二人戶曹史三人戶令

史賊曹史四人右賊曹史一人中郎南部督郵各

一人監市掾一人領校安漢長一人中部按獄一

人府後督盜賊一人守屬八人共七十有四人東

漢如此季漢可知已

案漢制凡內郎州郡掾吏皆用士人為之史所

書或稱選解或稱選迎極為慎重至蒞職之後

還舉秀才孝廉則出為令長如李朝以梓潼郡

功曹舉孝廉為臨邛令入為別駕從事

宋志漢武始今

郡國舉孝廉以郡大小為多寡之差歲遣上計掾吏各一人條上郡內衆事謂之計簿而

蔣琬姜維皆以州郡佐吏仕至三公且其量能

受任不計資格如掾為太守李嚴以楊洪為功

曹嚴未去郡而洪以才能為蜀郡守何祇有才

策洪未去郡而祇已為廣漢守此皆西京遺法

吏治所由稱盛也後之吏皆以狙獍處之其馴

者不過奉行故事染黠者舞文弄法無所不至

徒致嘆於奸猾之難除亦未矣

江關都尉入益州改巴東郡置

詳前

蜀郡北部都尉定蜀置陳震居之

此屬後易為汶山郡守

郡郡震為太守案宣帝初置蜀四部都尉後罷為郡至地節三年罷汶山郡置北部都尉今日蜀當非此也

犍為屬國都尉主蠻夷降人定蜀置以處邛方後以為宋提郡方為太守漢制郡有劇賊輒置都尉事訖罷惟邊郡常置亦分縣治民宋志曰漢末及三國多以諸部都尉為郡

零陵北部都尉定蜀置以處習珍孫權遣潘濬攻之
糧竭自裁見襄陽記

綏戎都尉建興間置以處盛勃

典農建興間置以郡守兼領之互詳

縣萬戶以上令一人減萬戶長一人有主簿功曹如

江源常播仕縣主簿功曹後舉孝廉為郵長也其

時郡縣佐吏皆用土人杜佑通典曰漢縣有丞尉

及諸曹掾多以本郡人為之及隋氏草選始盡用

他郡人矣丞尉為長吏斗食佐吏為少吏

鹽官主鹽稅 鐵官主鼓鑄前漢隸司農後漢以來皆屬郡縣 柑

官 橋官

堰官

汶山郡都安縣大堰漢武帝時李冰所作俗名都安大堰亦曰湔堰諸葛亮北征以為本

國所資以征丁千二百人主護之有堰官見水經注

案晉職官志云劉蜀孫吳多依漢制通志云職官魏與吳蜀多依漢制竊謂曹孫二家出自篡據即守舊章已違國憲惟昭烈以孝景之裔季興蜀土恪奉祖宗遺法而因時制宜實足恢拓皇猷光復舊物以之追配兩京復何憾焉

季漢官爵攷卷三

海寧周廣業耕厓著

封爵攷一

諸侯王置自高祖續志云皇子封王其郡為國置傅相各一人不得治民令相治民其職皆署自朝廷案漢制封建諸侯爵位二等王與列侯是也

魯王永昭烈帝第二子章武元年六月封後帝建興

八年徙封甘陵

安興元年東遷降鄉侯有孫曰元永嘉之亂奔還蜀李勢署為安樂

公以嗣後帝見崔鴻蜀錄按相無考

庾荔昂錄章武三年先主

元以祖字為名所不可考 梁王文曰大吉 祥宜公王並古隸書高二尺

梁王理昭烈帝第三子章武元年六月封後帝建興

八年徙封安平延熙七年薨謚曰悼子允諱嗣延

熙十九年薨謚曰哀子承嗣二十年薨謚曰殤無

子詔曰安平王先帝所命三世早夭國嗣傾絕朕

用傷悼其以武邑侯輯襲王位輯理子也交興元年東遷

降鄉侯

按晉書地理志曰劉脩以郡國封建諸王或遙采

嘉名不由檢其土地所出今考魯梁二國俱在豫

州先屬劉氏故封魯王策曰惟彼魯邦一變適道

封梁王策曰惟彼梁土畿甸之邦何云遙采嘉名

乎所以改封者以建興七年與吳分境徐豫幽青
屬吳并梁冀充屬蜀魯梁既在吳分界因易以冀
州之甘陵安平又按漢雜事曰天子太社以五色
為壇封諸侯者取其土直以白茅授之各以所封
方之色以立社于其國故謂之受茅土漢興惟卑
皇子封王者得茅土其他臣以戶賦租入為節不
受茅土不立社主魏則并王子亦無之故史以為
徒有國土之名無社稷之實禁防猜忌皆思為布
衣而不得也季漢獨不然封梁王策首曰小子永
受茲青土與漢武策命三子正同不第文辭爛然

也其列侯亦非虛封觀廢李平文云削其爵土則知之矣使如魏武之名號侯初不食租又何土之有哉

右昭烈子二人

安定王瑤後帝次子延熙元年正月封

按華陽國志文立傳云安樂思公世子早歿次子宜嗣而思公立所愛者立亟諫不納及愛子立驕暴二州人士皆欲表廢立止之據此則瑤長于太子璿也孫盛蜀世譜以為璿弟誤

西河王琮後帝子延熙十五年封景耀五年正月薨

謚及嗣子
無考

按西河薨之明年漢始亡蜀世譜謂琮亦內徙誤

新平王瓚後帝子延熙十九年封

北地王謐後帝子景耀二年六月封安興元年帝用

譙周策降于魏將鄧艾王怒哭于昭烈之廟先殺

妻子而後自殺時安南將軍在南郡聞成都守羅素服號哭大臨三日巴東太守羅

憲亦臨于都亭三日

新興王恂蜀紀作恂蜀世譜作詢後帝子景耀二年六月封亡漢

東遼晉太始七年後帝薨嗣封安樂公

上黨王虔蜀世譜作琰後帝子景耀二年六月封

一右後帝子六人。案後帝七男太子璿死于亂
兵北地殉節西河先亡餘皆東徙蜀志言後帝
至洛陽策命為公子孫為都尉封侯者五十餘
人是也

按劉氏諸王行事雖闕畧然如魯王之深憎宦人
北地王之舉家殉國皆卓卓可傳者也

武邑侯輯安平王子不詳封年延熙末襲封梁王。

魏文帝黃初元年初制王之庶子為鄉公嗣王之
庶子為亭侯公之庶子為亭伯今魏志鄉公有高
貴常道

右王子侯一人

列侯續志云列侯所食縣為侯國承秦爵二十等為
徹侯金印紫綬以賞有功大者食縣小者食鄉亭
得臣其所食吏民後避武帝諱為列侯荀綽百官
表注縣侯以下通號列侯官品第三皆有冢丞庶
子之官

漢壽亭侯關羽熊方後漢書年表壽上脫漢字誤愍帝建安五年以

偏將軍破斬袁紹將顏良功封案羅泌路史國名

本据熊表然至靈帝而止後云獻帝時政歸曹氏然猶名在漢室所封之侯于曄書壽志可見者百

五十有一名存歸昭烈拜前將軍督荊州二十四

年為孫權所襲薨諡曰壯

文選注引漢儀注云列侯為丞相稱君侯通典

丞相白事教令必曰君侯然費詩嘗稱關為君侯則又不盡然

子興嗣薨統嗣薨

無子以興庶子彝續封

唐高宗朝宰相播是其裔孫

案漢壽有

二受封時為荊州之漢壽屬吳改名吳壽昭烈入

益州于梓潼郡立漢壽縣興統嗣爵乃蜀之漢壽

也說詳徵信編

西鄉侯張飛建安十二年以拒曹操功封新亭侯從

定益州破張郃章武元年進今封六月為帳下將

張達范疆所害諡曰桓子紹嗣薨遵嗣安興元年

與鄧艾戰死之

蔡鄉侯馬超建安十五年封都亭侯謀殺曹操不果
據冀城後降昭烈十九年破劉璋章武元年以前
都亭侯進今封諡曰威子承嗣 按超據冀城自
稱征西將軍領并州牧督涼州軍事時已去都亭
侯之封及歸昭烈乃使復其故封故史曰前都亭
侯觀其後昭烈為漢中王群下表于愍帝列銜稱
平西將軍都亭侯臣馬超則知之矣

陽泉侯劉豹

華陽國志作陽泉亭侯

故議郎未詳始封建安二

十六年上言勸進

青衣侯向舉未詳始封與劉豹同勸進

員鄉侯申耽

華陽國志作郎鄉

建安間為上庸太守昭烈遣

劉封孟達攻之舉衆降加征北將軍領上庸太守

員鄉侯如故後叛降魏

按漢制非功臣不侯耽

本操黨勢屈請降不當封侯史特起例云如故者

言此本封也以愍帝所授故不奪之華陽國志謂

是昭烈所封又謂魏文帝黃初二年封並誤

右昭烈帝六人仍故封者四人

武鄉侯諸葛亮

通鑑地理通釋引郡縣志興元府西縣本漢沔陽地十道志武鄉谷在南

鄭縣孔明受封之地以丞相受顧命建興元年封十二年八

月薨謚曰忠武子瞻嗣安興元年拒鄧艾於綿竹

與子尚俱力戰死瞻子京東遷

初瞻死失喪或言生走漢中軍士王

富貌似瞻因招亡命假稱諸葛都護起臨卽轉攻江原為魏李高所縛

按漢初丞相常以列侯為之入相封侯始武帝時平津侯公孫宏以宏從布衣數年登相位東漢自大司徒伏湛後侯霸止封關內侯既薨始進則鄉侯自後此制遂絕忠武功多理宜即封蓋以夏月為相欲用更春故事旋以東征之役未暇故耳

都鄉侯李平

本名嚴以尚書令與丞相並受遺詔建興

元年封九月丞相軍祁山平以督運稽留廢為民按忠武廢李平公文上尚書曰臣輒興行中軍師

車騎將軍都鄉侯臣劉琰等議輒解平任免官祿
節傳印綬符策削其爵土解任者平時以中都護
署丞相府事也官謂驃騎將軍祿謂月俸三百五
斗斛也節以竹為之柄長八尺以旄牛尾為其旄
三重督軍者假之以為信傳亦信也兩行書繒帛
分持其一出入關合之乃得過謂之傳或刻木為
合符曰檠又驛通曰傳所以供急遽之令古以車
馬乘之若今之遞馬凡馬高足為置傳四馬
用單馬乘之若今之遞馬凡馬高足為置傳四馬
中足為馳傳四馬下足為乘傳一馬二馬為軺傳
漢律諸當乘傳及發駕置傳者皆持尺五寸木傳
信封以御史大夫印章其來傳參封之參三也有
期會案封兩端各一中央一軺傳兩馬再封之一馬一
封之兩端各二中央一軺傳兩馬再封之一馬一

封以馬駕車而乘
傳曰一封軺傳印綬謂將軍列侯俱黃金印龜

紐綬即組也所以佩印長一丈二尺濶三尺漢以
絲為之符謂銅虎符竹使符銅虎以發兵竹便以
出入徵發漢書高祖與功臣刻符作誓是也符謂
策命爵謂都鄉侯土則其食邑也季漢制度即此
可見故脩詳之

永昌亭侯趙雲以牙門將軍從定益州建興元年追
論當陽保護功封七年薨謚曰順平子統嗣

都鄉侯劉琰昭烈世以宗姓親待特厚建興元年封
十二年坐以疑搃妻胡氏下獄棄市

南鄭侯魏延建興元年封都亭侯八年以破魏將郭
淮功進今封十二年丞相薨違命奔漢中長史楊
儀遣馬岱斬之

平陽亭侯王連以領鹽府裨國用功建興元年封薨
子山嗣

按華陽國志建興元年封丞相亮武鄉侯李嚴劉
琰皆都鄉侯趙雲費觀王連向寵魏延吳懿皆都
亭侯楊洪王謀等關內侯與蜀志間有異同今從
蜀志

都亭侯向寵從征吳大軍敗績寵營獨完建興元年

封延熙三年征漢嘉蠻夷遇害子無考

都亭侯費觀以裨將軍為巴郡太守都督江州建興

元年封

亭侯陳到史失其地從昭烈以忠勇稱官征西將軍督永

安建興四年封

漢興亭侯李恢建興初以平南土功封九年薨子遺

嗣遺子過為晉益川太守

陳倉侯馬岱建興間封初岱從兄超臨終上疏曰臣

門宗二百餘口為孟德所誅畧盡惟從弟岱當為

微宗血食之繼深託陛下餘無所言後岱位為平北

將軍進爵為侯

陽遷亭侯呂凱以永昌郡功曹奉郡丞王伉保境有

功建興六年封為叛夷所害子祥嗣

後為晉南夷校尉

亭侯王伉其地失以永昌郡丞保境功建興六年封

安漢侯王平以丞相參軍進位討寇建興六年封亭

侯十五年進今封延熙十一年薨子訓嗣

按漢封列侯皆以縣邑間取美名如信都博陸之

類平先以安漢將軍副車騎將軍吳懿住漢中其

封亦曰安漢當是美名也

宕渠侯句扶數有戰功官至左將軍建興間封

平襄侯姜維建興六年封當陽亭侯十二年從丞相

統軍進今封安興元年偽降鍾會密圖復蜀遇害

唐元宗朝宰相
恪是其裔孫

城陽亭侯陳震以衛尉使吳賀孫權踐祚建興七年

封太平御覽入十三年薨子濟嗣

濟陽侯吳懿蜀志避晉諱作昭烈穆皇后兄建興元

年封都亭侯以破魏將費瑤功封亭侯八年以破

魏將費曜郭淮功進高陽鄉侯十二年進今封蜀志

妃子傳云封縣侯華十五年薨子某嗣次子喬沒

陽國志誤在元年

元鄉侯高翔以從丞相破司馬懿功建興九年封

縣竹侯吳班懿從弟先封安樂亭侯以從丞相破司

馬懿功建興九年進今封

華陽國志作鄉侯

都亭侯袁綝

華陽國志作淋

官征西將軍建興中封

中鄉侯輔匡從昭烈征吳為督軍後官鎮南將軍建

興中封

漢成亭侯許允建興間封

平陽亭侯李福以江州都督揚武將軍入為尚書僕

射建興十二年封延熙初薨子驤嗣

入晉為廣漢太守

安陽亭侯蔣琬以丞相長史供給兵食累遷右將軍

錄尚書事建興十二年封延熙九年薨諡曰恭子

斌嗣

後從鍾會至成都為亂兵所殺

陽武亭侯鄧芝以尚書和吳建興十二年封延熙十

四年薨子良嗣

東夷

中鄉侯廖化

本名淳

以果烈稱建興末封

後入洛道卒

成陽亭侯胡濟以中典軍統諸軍建興末封

顯明亭侯向朗建興末追論舊封功封位特進延熙

十年薨子條嗣

仕晉江陽太守

續志云列侯奉朝請在長安者位次三公中興以

來唯以功德賜位特進者次車騎將軍

彭鄉亭侯馬忠

初姓狐名萬俊改

以斬劉胄功建興十一年

封博陽亭侯復南郡延熙五年進今封十一年薨

子修嗣

衆侯無鄉亭並稱之例三國志辨訛以為史衍亭字是也魏韓暨南鄉亭侯亦衍亭字

都亭侯張翼

華陽志作亭侯

建興十二年追論討劉胄功賜

爵關內侯延熙元年進今封爰興初與姜維同遇

害

子微晉庠漢太守孫啟江陽太守唐宰相仁愿是其後

南鄉侯董厥官僕射延熙末封景耀二年尚書令四

年遷輔國大將軍興諸葛瞻同輔政

後為相國參軍兼散騎常

侍使

雲亭侯劉敏以揚威將軍從鎮北大將軍王平拒曹
爽於興勢功延熙七年封

成鄉侯費禕以拒曹爽功延熙七年封漢鎮壽十六

年為魏降人郭循所害諡曰敬子承嗣載太平御覽

漢表傳曰禕領漢節誘納降附越雋太守張嶷

誠禕曰昔本彭率師來歆杖節咸皆見害刺客不

慎也今明公位尊權重宜覽前事後歲首禕持節

行酒郭循以馬鞭中刀刺禕禕數日薨吳志注

附

載虞喜志林曰魏伐蜀禦之禕為元帥與來敏

圓棋意無厭倦敏曰君必能辦賊也況長寧以為

君子臨事而懼好謀而成方為降人郭循所害

斯乃性之寬簡不防細微卒為降人郭循所害

邑侯魏狼本北徼捉馬帥張魏討平之表拜為邑侯
在建興十四年廣案邑侯即縣侯也史失其地附
此

按漢制三公無封侯者魏崔林為司空封安陽亭
侯邑六百戶史以為三公封列侯自林始賈禕以
大司馬封侯亦其例也

右後帝三十五人

關內侯法邈翼侯正子建安二十五年卒未封因賜
邈官至漢陽太守凡言賜者禮秩如侯不治事

關內侯黃忠從定益州斬夏侯淵建安二十四年賜

爵明年薨謚曰剛子叙早沒無後

西鄉侯龐統以軍師中郎將從攻雒中流矢卒景耀三年追賜爵關內侯諡曰靖

關內侯王謀以益州牧別駕遷少府建興元年賜爵關內侯楊洪以定計擒黃元功建興元年賜爵六年薨

關內侯劉邕從定益州官至後將軍建興中賜爵關內侯鍾承官至太常特進建興末賜爵

關內侯張嶷以平叟夷功建興十四年賜爵延熙十四年戰歿子護雄襲

關內侯宗預以聘吳結好建興末賜爵

關內侯陳粲尚書令祗之子景耀元年祗卒後帝痛惜賜粲爵

右恩澤侯十一人昭烈帝二人後帝九人

案熊方表東漢同異姓侯列縣鄉亭總烏羅泌云東京法茂侯不分茅長相內租列侯守寵而已自列而降位博士下所謂猥諸侯也亡以述焉顧安武云後漢封國之制有鄉侯有都鄉侯皇甫嵩封槐里侯忤中常侍趙忠張讓削戶六千更封都鄉侯貝瓊有罪詣獄謝上還東武侯即綬詔貶為都

鄉侯是都鄉侯在列侯下也趙忠初封都鄉侯延

熹八年貶為關內侯是都鄉侯在關內侯上也內關

侯依秦爵第十九等在列侯上蓋以其在裏內故也兩漢關內侯無土寄食所縣民租限以戶數視

列侯有差季漢不言食邑賜爵而已通志封土之制降國為邑降邑為關內降關內為鄉降鄉為亭

蓋為鄉侯不良賀卒帝封其養子為都鄉侯三十連都者言也

戶是都鄉侯所食之戶數也梁冀得罪徙封比景

都鄉侯是都鄉侯亦必有所封之地而不言者史

略之也鄉侯都亭侯亭侯或言地或不言地亦同

此都亭者並城內亭也廣案都鄉都亭其所封

鄉亭皆在城內故連都字與但言鄉亭有別宋書

百官志縣侯第三品鄉侯第四品亭侯第五品

昔宋周平園序蕭常續後漢書曰陳壽身為蜀人於
劉氏君臣不能無憾著三國志帝魏而指蜀吳為主
設心已偏故凡於當時祔祭高祖以下昭穆制度皆
畧而弗書其死未幾習鑿齒為漢晉春秋起光武訖
晉愍帝以蜀為正魏為篡謂漢之亡僅一二年則已
為晉炎興之名天實命之其意蓋以蕭氏之書足矯
陳氏之失不知壽書外雖帝魏陰實予蜀譽之者徒
見其文而未嘗知其心也今國志既直繼班范二史
之後可惜假馬之名未正且但有紀傳而無表志使
季漢一代典章制度舉無可考後之讀史者終不無

遺憾顧蕭氏之書不可得見他若謝朓之季漢表邾
經之續後漢書等世亦罕傳明萬厯中天都謝陞少
連特破十數年之功作季漢書自謂尊漢帝蜀紹明
尊周宗魯之法視陳壽志不過增孝獻數十年事蹟
升昭烈後主於本紀降魏吳於外傳復增載記雜傳
二門而已至於志表仍闕焉昔范蔚宗為後漢書無
表志梁劉昭為補彪志宋熊方為補年表三國志漢
晉春秋無志沈約脩宋書諸志并前代所闕者補之
姚思廉梁陳二書李百藥北齊書令狐德棻周書皆
無志而唐于志寧李淳風等別纂五代史志詔編第

入隋書蓋表志之重也如此少連既改國志為季漢書而表志仍然不立豈非一大闕典歟吾友周君耕厓博雅多聞尤熟於史事所著季漢官職封爵二考予受而讀之嘆其學之博而識之宏雖謂之考而實可以補志之闕非具良史之才者未易覲也昔四明萬季野徵君嘗為歷代史表其漢季方鎮表及漢大事表相將相大臣年表諸王世表等並極詳覈若更合以耕厓之二考真所謂人異志同世殊事合雖踵熊劉之遺志而追班馬於千載之上可也豈特崇統黜僞之功而已哉耕厓著書滿家此雖其一鱗片甲

而有裨於史者甚大故不揣固陋為述其梗槩如此
時

乾隆四十有七年龍集壬寅中秋前一日鬼牀弟吳
騫拜題

陳承祚三國志子蜀正統竹垞翁嘗論之史文不顯
習彥威漢晉春秋標識豁然矣此朱子通鑑所本而
謝少連季漢書所由作也書缺志表耕厓周君著職
官封爵二攷並載其人仿宋志也體兼乎表夫史推
志難表亦難三國地理晨夕改屬職官因叛以時尊
統于蜀必志與表兼之晉宋志志前代單及於魏王
伯厚三國形勢攷于其時地理得大畧矣未及詳志
職官則未有濫觴者得是攷使人於蜀漢官爵燭照
數計非爛熟三國事而博觀得聞無此綜核也然則
地理之分合攷蜀而附錄魏吳非君孰經緯之乾隆

乙巳季冬同學愚弟蔣師煥拜跋

晦日男熹選校字訖